

西湖志

第一函
第七冊

西湖志卷之十七

古蹟

二

北山路

九曲城

武林舊事錢塘門外有九曲城

玉蓮堂

咸淳臨安志在錢塘門外景定三年安撫

魏克愚徙於此董嗣杲西湖百詠引舊在郡治教

場南景定三年移此扁曰一清後以堂外多白蓮

復揭玉蓮舊賜扁萬曆杭州府志湖中競渡以此

爲奪標之所西湖遊覽志明嘉靖二十一年按察

僉事劉望之建賓館於此復其名爲玉蓮堂濬池

樹白荷甫成以憂去扁額未揭里人但稱月牙公

館云

董嗣杲玉蓮堂詩仙根曾就華峰移淨引湘波出浴妃龍護前皇三字在燕居舊尹一清

非風簷搖影涼姿媚月檻迷香冷豔肥平展水天菱唱遠竹山蒼翠自成圍

來鵲樓

西湖遊覽志出錢塘門折而北爲來鵲樓

邑人張文宿別墅也嘗爲晉江令有雅致寄傲湖

山構樓湖畔棟宇經始有鵲巢焉遂名來鵲樓

李元

昭西湖社成集來鵲樓詩西湖清且淺中有蘭與蕙煙霧變晦明鱗蟲潛水裔飛構冒層阜仙筵敞平筵野饌何芳鮮烹調狎甘脆翩躚麟鳳臻適遇風雲際簪佩曜華宿觴酌論文藝社以白蓮申盟

以青松誓莫謂傾
蓋新山林置遺契

宋貢院

〔成化杭州府志〕

宋貢院在錢塘門外王家

橋試一郡之士謂之方外貢士

錢惟演別墅

〔西湖遊覽志〕

菩提院本錢惟演別墅

捨以爲寺有白蓮綠野等堂碧玉四觀披顥等軒
南漪迎薰澄心涵碧玉壺雪璣璣等亭後併入昭
慶寺

南漪堂

〔董嗣杲西湖百詠引〕

在錢塘門外菩提寺

王西東坡詠南漪堂杜鵑花詩卽此後爲玉壺園

玉壺園

咸淳臨安志

在錢塘門外本鄜王劉光世

園後屬之臨安府守趙與憲築堂四景定閒更

隸修內司又爲堂曰明秀

杜範趙山甫居玉壺盡得湖山之勝醉和其韻

詩占盡春光好湖山一覽餘著身蓬島裏縱日晝屏如我計還知錯君謀定不疏他年同到此卜築更躊躇張輿玉壺園詩林亭絕幽迥長夏綠雲香明月出山小白蓮承露涼譙鼓樓頭急吳歛風外長翛然玉壺內渾與世相忘董嗣杲玉壺園詩莫問南漪與玉壺杜鵑還更試花無坡仙一顧吟空老地主頻更景不殊船出斷橋春漱遠鐘傳蕭寺晚樓孤山明水秀軒扉敞落日漁歌過裏湖

望湖樓

咸淳臨安志

在錢塘門外昭慶寺前一名

看經樓錢忠懿王建武林舊事先得樓卽古望湖

樓

趙抃望湖樓詩僧棹漁舸恣往還澄波如鑑照羣山遶湖三百浮圖舍祇是憑樓一瞬閒王安石

石望湖樓詩水光山氣碧浮浮落日將歸又少留從此祇應長入夢夢中還與故人遊蘇軾六月二

十七日望湖樓醉書五首黑雲翻墨未遮山白雨

跳珠亂入船捲地風來忽吹散望湖樓下水如天

放生魚鼈逐人來無主荷花到處開水枕能令山

俯仰風船解與月裴回烏菱白芡不論錢亂繫青

菰裏綠盤忽憶嘗新會靈觀滯留江海得加餐獻

花遊女木蘭撓細雨斜風濕翠翹無限芳洲生杜

若吳兒不識楚詞招未成小隱聊中隱可得長閒

勝暫閒我本無家更安往故鄉無此好湖山又宿

望湖樓和呂察推詩新月如佳人出海初弄色娟

娟到湖土潏潏搖空碧夜涼人未寢山靜聞響屐

騷人故多感悲秋更慄慄君胡不相就朱墨分黜

赤我行得所嗜十日忘家宅但恨無友生詩病莫

訶詰君來試驗詠定作鶴頭側改罷心愈疑滿紙

蛟蛇黑蘇轍次韻子瞻望湖樓上五絕欲看西湖

兩岸山臥乘湖上木蘭船湖山已自隨船改更值
陰晴欲雨天眼看西湖不暫來簿書無算撥還開
三年屈指揮將盡記取從今得幾回湖山欲買恨
無錢且盡芳樽對玉盤菱角鷄頭應已厭蟹螯馬
頗更勤餐終日清漪弄短橈久忘車乘走翹翹秋
風且食鱸魚美洛下諸生未可招滯留朝市常嫌
鬧放棄江湖也未閒孤艇麤窮千頃浪肩輿未盡
百重山潘閬望湖樓詩望湖樓上立竟日懶思還
聽水分他界看雲過別山孤舟依岸靜獨鳥向人
閒回首重門閉蛙聲夕照閒蘇頌次韻奉酬通判
姚郎中宴望湖樓過昭慶院暮歸偶作山半樓臺
邊曲隄水風當夏卻炎威嘗思徧覽前朝迹自恨
勞生暇日稀偶到上方憑檻久恍如員嶠躡
雲飛白蓮舊社空遺址有幾人從此路歸

擇勝園

咸淳臨安志在錢塘門外九曲城下紹定

三年秀王府創有理宗御書擇勝愛閒二扁

新園

〔成化杭州府志〕在錢塘門外酒庫側秀王府

園

宋策選鋒軍教場

〔成化杭州府志〕在昭慶寺

宋昭慶齋宮

〔咸淳臨安志〕昭慶有望祭殿立夏祭

南方嶽瀆立秋祭西方嶽瀆兩廡爲致齋閣子瀆

祐閒守臣趙與簾重修

隱秀園

〔咸淳臨安志〕在錢塘門外城北劉鄴王園

上船亭

〔武林舊事〕在錢塘門

總宜園

〔咸淳臨安志〕在斷橋路口中貴張氏園

〔董嗣

杲總宜園詩樓上湖山變幻奇萬千光景自紛披
妙分西子爭妍態絕想東坡得句時柳徑曲埋兜
率寺花陰直接放生池內官愛
展亭臺去盡付年華與酒卮

慶忌宅

萬曆杭州府志在錢塘門外宋豐儲倉其

故基也前有池相傳爲慶忌磨劍處宋咸淳六年
池中嘗有風水之變今慶忌塔尙存

雙清樓

在錢塘門外見方壺存稿

汪莘秋日飲錢塘門外雙清樓

詩西湖日日可尋芳樓上憑闌意未忘
斫取荷花三萬朶作他倩女嫁衣裳

放生亭

西湖遊覽志在寶石山麓宋天禧四年王

欽若請以西湖爲放生池郡守王隨爲記慶元四

年趙師巽建德生堂飛泳亭枕山亭飛泳理宗御書

東西馬塍

夢梁錄吳越王牧馬於錢塘門外東西

馬塍其馬蕃息號爲馬海咸淳臨安志東西馬塍

土細宜花都城之花皆取焉或云塍當爲城蓋錢

王舊城餘杭門外地與此相接

葉適同趙振文遊馬塍詩馬塍東西

花十里錦雲繡霧參差起長安大車喧廣陌問以馬塍云未識茶蘼縛籬金沙牆薛荔樓閣山茶房高花何啻千金直著價不到宜深藏青鞋翩翩烏鵲袖嚴房引前金蔣後隨緣摘蕊煎冬酥小分移牀獻春酒陳通苗傳昔弄兵此地寂寞狐狸行聖人有道賁草木我輩栽花樂太平知君已在茗水

住盡日櫓聲搖上渚無際蒼波蓼自分有情綠浦
鷗偏聚追逐風光天漫許拋擲身世人應怒君不
見南宮載寶回何如趙子穿花去劉克莊水心先
生爲趙振文作馬塍歌次韻詩洛陽牡丹隔萬里
棘荒姚魏扶不起馬塍近在杭州陌野人只向詩
中識勻朱傳粉初窺牆海棠爲屋辛夷房千林春
色已呈露一株國豔猶闕藏多情荀令香透袖俊
游恐落都人後搖鞭深入紅雲鄉解衣旋貰黃藤
酒淮南芍藥初過兵人生何必塞上行墜裯委壤
各有命肯學凍士鳴不平移家欲傍園翁住手開
蕪地通蘋渚尋芳栩栩趁蝶飛逐臭紛紛憐蚋聚
君不見元都嗟筆妙燕許詩人卻遣世人怒君若
挈舟獨往時我亦荷鋤相隨去趙蹈中爲趙振文
和水心馬塍歌昔年家住長安里春風盡日香塵
起紛紛車馬過綺陌買花人多少人識五侯第宅
連苑牆粲若瓊蕊敷丹房花窠近取馬塍本曲欄
高檻深迷藏主歡對客小舉袖擊鼓吹簫滿前後
眞珠一斛聘國姝琥珀千盃酌天酒幾年農器不

銷兵雨耕雲穫歌且行種花土腴無水旱園稅十
倍田租平挈舟來近菰蒲住演漾迴溪通枉渚霜
晴沙浦橘林明日暮水渾魚網聚東門故侯應白
許灞陵醉尉寧須怒何當學稼隨老農荷鋤驅犢
田中去白甌三月八日過西馬塍詩散策好春日
湖西古馬塍陰晴雖不定天地自分明柳處風無
力蛙時水有聲園家分半席問得御花名宋无馬
塍詩桃李宮城近偏承雨露恩至今耕種地一半
作花園陳允平馬塍道上詩閒拖瘦竹筇獨步馬
塍東鳥影青山外春愁碧樹中麥潮風化蝶櫻熟
雨生蟲莫向溪頭去溪頭多落紅宋伯仁寓西馬
塍詩十畝荒林屋數間門通小艇水灣環人行遠
路多嫌僻我得安居卻稱閒樽酒相忘霜後鞠一
時難畫雨中山何年脫下浮名事只與田翁賸往
還劉泰馬塍看花詩一溪流水繞芳塘誰種溪南
十畝桑樵谷暗通三竺寺人家住近百花莊偶隨
碧草尋詩去卻愛青林煮酒香便
典春衣拚醉倒旁人慣識杜陵狂

張雨故居

成化杭州府志在西馬塍內有菌閣

陳旅

菌閣記錢塘邑屋叢奏數十里至爲重樓以居委巷若闐市人氣滃鬱爲溽霧城西山水清曠而笙歌粉黛下上無空日夫杭東南奧區芬華之所族而亦幽靜者之所去也城北有村曰馬塍居民多業藝花土沃俗質聚近而塍遠至元後丙子歲句曲外史來棲焉外史杭人入華陽洞學道廿餘年世慮消盡獨歲一還里展墓覽春木踟躕不能去乃二月雨作艤舟西塍宿故人朱明宇所居院院有止堂餘壤襍栽草樹溪流折入魚鳥來親人雨未止外史欣然爲留因約結屋共處於是審曲面勢治地戒工爲閣四楹南向以二廡翼之三月甲戌成益構佳卉植其下旁有長松數十章落落如高人湖上之山騰伏閣外蓋得冲覽之會焉外史舊有菌閣在金菌山吳興趙文敏公篆榜極古茲復以眞蹟署新閣意扁舟往來所在皆菌山也時外史方著幽文元史二書將於此成之暑退乃去

此則明宇處守而歲以爲常茅嶺雲氣深厚大虎
時出林衝人杭人思見外史而莫能往也幸歲時
來歸得一候言笑於是閣因徵記刻於溪石外史
張氏名天雨字伯雨海昌無垢翁之後昆也明宇
名希晦龍虎山高士止堂易氏之元裔云張雨馬
塍新居詩浮家泛宅意何如玉室金堂意未疏歸
錦橋邊停舫子散花灘上築樓居澹然到處自鑿
井元晏閉門方著書但得草堂貴便足人間何處
不樵漁薩都刺宿張外史馬塍新居詩竹樹忽聞
乾鵲噪明朝歸去候新晴小樓無處著秋意暗雨
空山如海聲葉落窗虛聞鶴步峰回路轉斷人行
誰知昨夜元洲客翦燭談詩到二更張翥題張外
史馬塍新居詩窈窕丹房古澗阿長松修竹繞層
波桃源隱者時相遇茆洞仙人夜或過沆漉杯寒
供晚食青冥笙響答空歌白雲
浮出池痕滿知是龍泓宿雨多

梅莊園

咸淳臨安志在西塍韓蘄王園廣一百三

十畝堂曰樂靜曰清風及竹軒皆高宗御書又有

澄綠堂水閣梅坡芙蓉堆及四時花木各有亭

謹按西湖遊覽志誤作梅岡園

宋滌羊所 西湖遊覽志羊坊橋宋時滌羊之所

姜夔寓館

武林舊事在水磨頭近石函橋姜夔湖上寓居

詩荷葉披披一浦涼青蘆葉葉夜陰商平生最識江湖味聽得秋聲憶故鄉

趙郭園 西湖遊覽志石函橋北舊有趙郭園

水邱園 武林舊事在北山路

梅岡園 武林舊事在北山路御園

瑤池園

西湖遊覽志中貴呂氏外宅也池週二里

植菱芡

謝府園

武林舊事在北山路有一碧萬頃堂

萬花小隱園

武林舊事在北山路謝府園

錢氏園

武林舊事在北山路華亭錢府園

張氏園

王氏園
武林舊事在北山路

聚秀園

武林舊事在北山路楊府

雲洞園

咸淳臨安志在錢塘門外古柳林楊和王

園直抵北關最爲廣袤洞築土爲之中通往來其

土爲樓又有堂曰萬景天全羣山環列洞之旁爲
崇山峻嶺有亭曰紫翠閒尤可遠眺桂亭曰芳所
荷亭曰天機雲錦皆號勝處西湖遊覽志雲洞園
培土爲洞屈曲通行圖畫雲氣其傍有麗春臺青
石爲坡不斲礮齒春時令麗人歌舞爲戲得上坡
者受賞園內有方壺瀟碧濯纓五色雲等亭榭玉
龍玲瓏金粟天砌等臺洞戶牖輝煌花木蟠鬱窮
極麗雅盛時凡用園丁四十餘人監園使二人

古柳林

董嗣杲西湖百詠詩引在錢塘正庫西昭